

ZAPISNIK

sa druge redovne sjednice Privremenog Upravnog odbora Univerziteta u Tuzli održane u **četvrtak 22.10.2020.godine** sa početkom u **13,00 sati** u Amfiteatru A2 Rektorata Univerziteta u Tuzli

Sjednici su prisustvovali: predsjednica Privremenog Upravnog odbora Senada Karajbić, dipl.pravnik te članovi: dr.sci. Senaid Hadžić, red.prof., dr.sci. Redžo Butković, docent, Rasema dr. Novalić, dr.sci. Zehrudin Osmanović, red.prof. i dr.sci. Franc Andrejaš, vanr.prof. Noris Sakić, student

Sjednici nisu prisustvovali: dr.sci. Sandira Eljšan, red.prof, koja je odsustvo opravdala i dr.sci.Haris Huseinagić.

Osim članova Upravnog odbora sjednici je prisustvovala: rektorica dr.sci. Nermina Hadžigrahić, red.prof., generalni sekretar Jasmina Berbić, dipl.pravnik, šef Službe za pravne, kadrovske i opšte poslove Šejla Fazlić, dipl.pravnik i Direktor za ekonomske poslove Husein Matović, dipl.ecc.

Predsjednica Privremenog Upravnog odbora je konstatovala da su ispunjeni svi uslovi za rad i odlučivanje na sjednici, te je otvorila 2. redovnu sjednicu Privremenog Upravnog odbora.

Član Privremenog Upravnog odbora dr.sci. Zehrudin Osmanović, red.prof., predložio je da se dnevni red dopuni tačkom 7. "Informacija o organizaciji nastave u zimskom semestru ak.2020/21. godine". Nakon provedene diskusije, jednoglasno je za ovu sjednicu utvrđen sljedeći

DNEVNI RED:

1. Usvajanje zapisnika sa konstituirajuće, 1. redovne sjednice, 1. vanredne i 2. vanredne sjednice Privremenog Upravnog odbora
2. Donošenje Odluke o izmjenama Odluke o usvajanju Plana nabavki za Univerziteta u Tuzli za 2020.godinu
(izvjestilac: direktor za ekonomske poslove)
3. Donošenje Odluke o izmjenama Odluke o usvajanju Privremenog Plana nabavki Univerziteta u Tuzli za 2021.godinu
(izvjestilac: direktor za ekonomske poslove)
4. Razmatranje Informacije po Zaključku Upravnog odbora od 17.09.2020. godine za povećanje iznosa naknada za izvođenje vježbi spoljnjih saradnika
(izvjestilac: direktor za ekonomske poslove)
5. Razmatranje podnesaka dr.sci. Izeta Žigića, red.prof., podnesenog putem advokatske kancelarije Zijad Hasanhodžić broj: 04-4907-1/20 od 15.10.2020. godine, označen kao "Prigovor na Odluku o prestanku ugovora o radu broj: 01-3412-1/20 od 23.07.2020. godine i Urgencija za odlučivanje po Zahtjevu za preispitivanje Odluke o prestanku Ugovora o radu broj: 01-3412-1/20 od 23.07.2020. godine podnesnog dana 07.10.2020.godine"
(izvjestioci: šef Službe za pravne, kadrovske i opšte poslove i direktor za ekonomske poslove)
6. Razmatranje Zahtjeva Komisije za borbu protiv korupcije Skupštine TK broj: 02-45-477-4/20 od 29.09.2020.godine
7. Informacija o organizaciji nastave u zimskom semestru ak.2020/21. godine.

TAČKA 1. Usvajanje zapisnika sa konstituirajuće, 1. redovne sjednice, 1. vanredne i 2. vanredne sjednice Privremenog Upravnog odbora

Zapisnici sa 1. redovne i 1. vanredne sjednice i 2. vanredne sjednice Privremenog Upravnog odbora, usvojeni su jednoglasno.

TAČKA 2. Donošenje Odluke o izmjenama Odluke o usvajanju Plana nabavki za Univerziteta u Tuzli za 2020.godinu

Direktor za ekonomske poslove upoznao je članove Privremenog Upravnog odbora da je Direktor Studentskog centra dostavio prijedlog u kojem je navedena opravdanost nabavke novih električnih šporeta u čajnim kuhinjama u paviljonima studentskog centra te da je prof.dr. Nermin Sarajlić Prorektor za NIR, dostavio Zahtjev na osnovu kojeg je izvršeno povećanje iznosa na stavci 59 –

Zamjena podne obloge u Rektoratu i pisarnici Rektorata sa 3.000,00 KM na 6.000,00 KM bez PDV iz razloga što je istraživanjem tržišnih cijena utvrđeno da predviđeni iznos nije dostatan za nabavku kvalitetne podne obloge za površinu od cca 200m². Trenutna podna obloga u prostorijama Rektorata i pisarnici Rektorata je postavljena prije više od 15 godina te njeno mijenjanje podlogom odgovarajućeg kvaliteta je od neophodne važnosti za održavanje odgovarajućih higijenskih uslova navedenih prostorija. Nakon provedene diskusije, Privremeni Upravni odbor Univerziteta u Tuzli donio je

ODLUKU

o izmjenama Odluke o usvajanju Plana nabavki Univerziteta u Tuzli za 2020. godinu broj: 04-693-1-3/20 od 07.02.2020. godine, broj : 04-1035-1-3/20 od 21.02.2020. godine, broj : 04-2023-1-4/20 od 07.05.2020. godine i broj : 04-2398-1-8/20 od 04.06.2020. godine

I

U tački I Odluke o usvajanju Plana nabavki Univerziteta u Tuzli za 2020. godinu broj: 04-693-1-3/20 od 07.02.2020. godine, broj: 04-1035-1-3/20 od 21.02.2020. godine, broj: 04-2023-1-4/20 od 07.05.2020. godine i broj: 04-2398-1-8/20 od 04.06.2020. godine kod nabavki pod rednim brojem **59. i 110.** mijenja se iznos javne nabavke (kolona 6 i kolon 8) i sada iznosi:

R. br	Fakultet/org.jednica	Ekonomski kod	Predmet javne nabavke	Finansiranje iz budžeta KM bez PDV	Vlastiti prihodi KM bez PDV	Primljeni tekući transferi i donacije KM bez PDV	Ukupno (5+6+7)	Vrsta postupka	JRJN	Napomena
1.	2.	3.	4.	5.	6.	7.	8.	9.	10.	11.
59	UNIV	6137	Zamjena podne obloge u Rektoratu i pisarnici Rektorata		6.000,00		6.000,00	Direktni sporazum	44112210-3	
110	SC	8213	Nabavka cipelara u objekte Studentskog centra (Paviljon I, II i III)		15.500,00		15.500,00	Otvoreni postupak	39100000-3	

Dodaje se nova nabavka pod rednim brojem 122.1 i glasi:

R. br	Fakultet/org.jednica	Ekonomski kod	Predmet javne nabavke	Finansiranje iz budžeta KM bez PDV	Vlastiti prihodi KM bez PDV	Primljeni tekući transferi i donacije KM bez PDV	Ukupno (5+6+7)	Vrsta postupka	JRJN	Napomena
1.	2.	3.	4.	5.	6.	7.	8.	9.	10.	11.
122.1	SC	8213	Nabavka i ugradnja električnih šporeta za čajne kuhinje u Paviljonima Studentskog centra		4.500,00		4.500,00	Direktni sporazum	3971000-2	

II

U koloni 6 – vlastiti prihodi i koloni 8 -Ukupno mijenjaju se ukupni iznosi na ekonomskom kodu 6137 i iznose 282.360,00 (kolona 6) i 299.538,00 bez PDV (kolona 8).

U koloni 6 – Vlastiti prihodi i koloni 8- Ukupno mijenjaju se ukupni iznosi Plana nabavki za 2020. godinu i iznose: 1.922.382,00 bez PDV (kolona 6) i 2.953.475,00 KM bez PDV (kolona 8).

III

U ostalom dijelu Odluka o usvajanju Plana nabavki Univerziteta u Tuzli za 2020. godinu broj: 04-693-1-3/20 od 07.02.2020. godine, broj: 04-1035-1-3/20 od 21.02.2020. godine, broj: 04-2023-1-4/20 od 07.05.2020. godine i broj: 04-2398-1-8/20 od 04.06.2020. godine ostaje nepromijenjena.

TAČKA 3. Donošenje Odluke o izmjenama Odluke o usvajanju Privremenog Plana nabavki Univerziteta u Tuzli za 2021.godinu

Direktor za ekonomske poslove upoznao je članove Privremenog Upravnog odbora da je Šef Službe

za tehničke poslove i održavanje Univerziteta u Tuzli dostavio prijedlog izmjene Privremenog plana nabavki za 2021. godinu u kojem je obrazložena potreba za povećanjem iznosa za Usluge održavanja higijene objekata Univerziteta za period do 31.12.2021. godine sa 25.000 KM na 50.000 KM bez PDVa iz razloga što će sa 31.12.2020. godine na radnom mjestu spremačica biti anagažovane 44 zaposlenice, pa će u odnosu na Normativ nedostajati 32 zaposlenika. Nakon provedene diskusije Privremeni Upravni odbor Univerziteta u Tuzli donio je

ODLUKU

o izmjenama Odluke o usvajanju Privremenog Plana nabavki Univerziteta u Tuzli za 2021. godinu broj: 04-2963-1-2/20 od 07.07.2020. godine

I

U tački I Odluke o usvajanju Privremenog Plana nabavki Univerziteta u Tuzli za 2021. godinu broj: 04-2963-1-2/20 od 07.07.2020. godine, mijenja se iznos javne nabavke pod rednim brojem 42. (kolona 5. i kolona 7.) i vrsta postupka (kolona 8.) i glasi:

R. br	Fakultet/ org.jedinica	Ekon kod	Predmet javne nabavke	Vlastiti prihodi KM bez PDV	Primljeni tekući transferi i donacije KM bez PDV	Ukupno (5+6)	Vrsta postupka	JR/JN
1.	2	3.	4	5.	6.	7.	8.	9.
42	UNIV	6139	Usluge održavanja higijene objekata Univerziteta za period do 31.12.2021. godine	50.000,00		50.000,00	Otvoreni postupak	90910000-9

II

U koloni 5 – Vlastiti prihodi i koloni 7- Ukupno mijenjaju se ukupni iznosi Privremenog Plana nabavki za 2021. godinu i iznose: 731.760,00 KM bez PDV (kolona 5) i 758.260,00 KM bez PDV (kolona 7).

III

U ostalom dijelu Odluka o usvajanju Privremenog Plana nabavki Univerziteta u Tuzli za 2021.godinu broj: 04-2963-1-2/20 od 07.07.2020. godine ostaje nepromijenjena.

TAČKA 4. Razmatranje Informacije po Zaključku Upravnog odbora od 17.09.2020. godine za povećanje iznosa naknada za izvođenje vježbi spoljnjih saradnika

Privremeni Upravni odbor razmotrio je Informaciju Direktora za ekonomske poslove u vezi sa povećanjem iznosa naknada za izvođenje vježbi spoljnjih saradnika, nakon čega je Privremeni Upravni odbor donio

ZAKLJUČAK

Zadužuje se Direktor za ekonomske poslove Univerziteta u Tuzli da do naredne sjednice Privremenog Upravnog odbora pripremi i dostavi dopunu Informacije o mogućnosti povećanja iznosa naknada za izvođenje vježbi spoljnjih saradnika sa detaljnom analizom trenutnog i povećanog iznosa naknada u odnosu na broj časova vježbi u ak.2020/21. godini.

TAČKA 5. Razmatranje podneska dr.sci. Izeta Žigića, red.prof., podnesenog putem advokatske kancelarije Zijad Hasanhodžić broj: 04-4907-1/20 od 15.10.2020. godine, označen kao "Prigovor na Odluku o prestanku ugovora o radu broj: 01-3412-1/20 od 23.07.2020. godine i Urgencija za odlučivanje po Zahtjevu za preispitivanje Odluke o prestanku Ugovora o radu broj: 01-3412-1/20 od 23.07.2020. godine podnesnog dana 07.10.2020.godine"

Šef Službe za pravne, kadrovske i opšte poslove izvjestila je članove Privremenog Upravnog odbora da je dr.sci. Izet Žigić, red.prof., putem advokatske kancelarije Zijad Hasanhodžić podnio Podnesak broj: 04-4907-1/20 od 15.10.2020. godine označen kao "Prigovor na Odluku o prestanku ugovora o radu broj: 01-3412-1/20 od 23.07.2020. godine i Urgencija za odlučivanje po Zahtjevu za preispitivanje Odluke o prestanku Ugovora o radu broj: 01-3412-1/20 od 23.07.2020. godine podnesnog dana 07.10.2020.godine".

U Podnesku je navedeno da dr.sci. Izet Žigić, red.prof., ne ispunjava uslove iz člana 94. Zakona o radu FBiH, člana 40. Zakona o penzijskom i invalidskom osiguranju FBiH i člana 95. Pravilnika o radu Univerziteta u Tuzli jer je uvidom u Uvjerenje o podacima registrovanim u matičnoj evidenciji Federalnog zavoda za penzijsko i invalidsko osiguranje Kantonalna administrativna služba Tuzla od 18.08.2020. godine utvrđeno da nema upisanog i uplaćenog staža osiguranja za puni fond sati za period od 02.08.1994. godine do 31.12.1994. godine. Šef Službe za pravne, kadrovske i opšte poslove obrazložila je da je uvidom u službeni evidenciju Upravnog odbora Univerziteta u Tuzli utvrđeno da je dr.sci. Izet Žigić red.prof., svojim aktom broj: 04-3563-3/20 od 15.09.2020. godine povukao Zahtjev za zaštitu prava izjavljen na Odluku o prestanku ugovora o radu broj: 01-3412-1/20 od 23.07.2020. godine, čime je ista postala konačna i izvršna. Nadalje, po Zahtjevu dr.sci. Izeta Žigića, red.prof., za preispitivanje Odluke o prestanku Ugovora o radu upućenog Rektorici 07.10.2020. godine, a uvidom u Informaciju Službe za ekonomske poslove broj: 01-4693-3/20 od 08.10.2020. godine i uvidom u obrazac Matična evidencija aktivnih osiguranika – Matični podaci osiguranika za dr.sci. Izeta Žigića, utvrđeno je da je u koloni Prijava o stažu i naknadama proknjiženo razdoblje od 02.08.1994. godine do 31.12.1994. godine, staž od 5 mjeseci, odnosno 917 sati, te da iz navedenih podataka proizilazi da su uneseni podaci sa radim vremenom od 7 sati dnevno, da je isplaćena plaća za navedeni period u iznosu od 5.659,00 KM kao i da su uplaćeni pripadajući doprinosi kod pravnog prethodnika Univerziteta u Tuzli, Rudarsko –geološkog fakulteta. Takođe je utvrđeno da je po navedenom Zahtjevu, imenovanom, dana 13.10.2020. godine, putem pošte, preporučeno, otpremljen Odgovor broj: 01-4693-4/20 od 09.10.2020. godine.

Nakon provedene rasprave, Privremeni Upravni odbor donio je

ODLUKU

I

Podnesak dr.sci. Izeta Žigića, red.prof., podnesen putem advokatske kancelarije Zijad Hasanhodžić broj: 04-4907-1/20 od 15.10.2020. godine, označen kao "Prigovor na Odluku o prestanku ugovora o radu broj: 01-3412-1/20 od 23.07.2020. godine i Urgencija za odlučivanje po Zahtjevu za preispitivanje Odluke o prestanku Ugovora o radu broj: 01-3412-1/20 od 23.07.2020. godine podnesnog dana 07.10.2020.godine", odbacuje se kao nedopušten.

II

Ova Odluka je konačna.

TAČKA 6. Razmatranje Zahtjeva Komisije za borbu protiv korupcije Skupštine TK broj: 02-45-477-4/20 od 29.09.2020.godine

Nakon razmatranja akta Komisije za borbu protiv korupcije broj: 04-4715-1/20 od 08.10.2020. godine, Privremeni Upravni odbor Univerziteta u Tuzli na sjednici održanoj 22.10.2020. godine, donio je

ZAKLJUČAK

I

Zadužuje se Rektorica Univerziteta u Tuzli da, kao neposredni rukovodilac, izda Nalog Dekanici Medicinskog fakulteta da se Šeili Efendić omogući upis u prvu godinu studija u akademskoj 2020/21. godini u statusu redovnog studenta koji se finansira iz Budžeta TK te da se o tome očituje Rektorici u roku od tri dana od dana prijema Naloga.

II

Ovaj Zaključak stupa na snagu danom donošenja.

TAČKA 7. Informacija o organizaciji nastave u zimskom semestru ak.2020/21. godine.

Rektorica Univerziteta izvjestila je članove Upravnog odbora o načinu organizacije nastave u zimskom semestru ak.2020/21. godine, nakon čega je provedena diskusija i o potrebi i mogućnostima digitalizacije Univerziteta, pa je Privremeni Upravni odbor donio

ZAKLJUČAK

I

Zadužuje se Centar za osiguranje kvaliteta i internu evaluaciju Univerziteta u Tuzli da se, u roku od sedam dana od dana prijema ovog Zaključka, očituje o mogućnosti izrade Plana digitalizacije Univerziteta u Tuzli.

II

Ovaj Zaključak stupa na snagu danom donošenja.

Sjednica je završila u 15 sati i 13 minuta.

ZAPISNIK SAČINILA

Šejla Fazlić, dipl.pravnik

UNIVERZITET U TUZLI

Broj: 04-4957-1/20

Tuzla, 22.10.2020. godine

PREDSJEDNICA

PRIVREMENOG UPRAVNOG ODBORA

Senada Karajbić, dipl.pravnik